



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Svmma, Sive Avrea Armilla Bartholomæi Fvmi Placentini,
ordinis Prædicatorum, ac hæreticæ prauitatis Inquisitoris**

Fumo, Bartolomeo

Antverpiae, 1570

Mollities.

urn:nbn:de:hbz:466:1-30427

MISERABILIS

persona.

MISERABLES personæ sunt, quæ per se non possunt causam promouere. cap. i. de postul. & sunt secundum Panor. in cap. licet. de cens. ex ci. pauperes, pupilli, viduæ, & morbo laborantes, qui possunt ab ecclesia auxiliū implorare, quando nimis in collectis grauantur in canone, significantibus. de officio delegat. & ibi Pan. Ex causantur autem hi à muneribus personarum, secundum eundem Pa. in dict. cap. licet. non autem à realibus ordinariis, nisi principis velint ea remittere. cap. de vacation. mun. & de mune. pa. quasi per totum. Pro miserabili persona constitutus in sacris potest aduocare, etiam in foro securo. Ab. in cap. i. de postulat. facit quod not. in cap. ex tenore. de foro competent.

MODERAMEN.

MODERAMEN inculpatæ tutelæ est, quando id sit, quo omisso iniuria repelli non potest, non enim imputatur alicui quod facit, si aliter se defendere non poterat, & iniuriam repellere. l. scientiam. §. quod cum aliter. ff. ad leg. Aqu. quod considerabitur ad arbitrium boni viri, pensatis circumstantiis, scilicet modo, qui est circa qualitatem armorum. Non enim debet resistere cum armis, si sine armis inuaditur, vel si venit cum pugno, non debet baculo percussit: vnde potest talibus vii, quæ sufficiant ad repellendum, & non plus. Considerandum est etiam moderamen in cursu temporis, vt quando inuaditur persona, antequam quis percutiatur, potest incontinenti inuadentem percutere, vt euadat percussio, & iniuriam, & magis dicitur repellere iniuriam, quam inferre. & intelligitur glo. in l. ex plagis, §. tabernarius. ff. ad le. Aqu. & Bar. tibi. Si autem iniuria iam est facta, non est licitū percutere etiam incontinenti, quia non est defensio, sed vindicta, quæ non est permissa singulis, sed iudici, nisi timetur geminata percussio, secundū Inn.

in c. olim. de restit. spo. Si verò violentia rebus inferatur, debet repelli incontinenti, licet iam sit facta iniuria, quia hæc non est vindicta, sed defensio. Item consideranda est causa, vt scilicet fiat ad defensionem, & non ad vicionem: & hæc defensio manualis, quia naturalis est, per aliquam legem, vel iudicem tolli non potest. Secus de ea, quæ est de lege positua aliquo modo, vt sic, vel sic appellare.

MOLLITIES.

MOLLITIES, quæ est idē quod peccatum pollutionis contra naturam voluntariæ, siue fiat sine instrumento, siue cum instrumento proprio, vel alieno, mortalis est, sicut & ipsa pollutio, de qua infra. Pollutio, per totū. Est & mollities alia opposita persecutioni, quia homo adeo est deditus delectationibus, vt non solum à contrariis, verum etiam à tollentibus delectationem abducatur, vt viā virtutis deserat, & quia contra rationem, ideo peccatum est.

MONACHVS.

MONACHVS differunt à cōuersis & oblati: secundū Pa. in c. nō est. de reg. quia cōuersi sunt, qui offerunt se & sua, mutando habitū, & proficēdo, laici tamē sunt, quia non promouentur ad ordines. Oblati verò sunt, qui se, & sua offerunt monasterio, habitu non mutato. Et secundū glo. in c. vi. lex. 27. q. i. isti cōuersi & oblati magis astringuntur monasterio, quam monachi: quia etiā causa arctioris religionis non possunt ad alia monasteria transire, quamuis à superiore licentiam petāt, quia efficiuntur quasi serui monasterij. Monachi verò hodie sunt proprie, qui habitum mutant, proficentur, & ad ordines promouentur. 6. q. i. in multis capitulis.

MONACHORVM nomine in materia odiosa non veniunt alij religiosi, vt patet in cle. i. de sta. mo. vbi tex. postquam excommunicauit monachos, subiungit, aut canonicos regulares, quod frustra fuisset appositum,